



**O‘ZBEKISTON RESPUBLIKASI**  
**QASHQADARYO VILOYATI HOKIMINING**  
**Q A R O R I**

180100, Qarshi shahri, Mustaqillik ko‘chasi, 1-uy. Faks: (+99875)221-12-88, [qashqadaryo@exat.uz](mailto:qashqadaryo@exat.uz)

2024 - yil 1 - may

177-4-0-Q/24

Qashqadaryo viloyati hokimligi

**O‘zbekiston Respublikasi Suv xo‘jaligi vazirligi Amu-Qashqadaryo Irrigatsiya tizimlari havza boshqarmasiga qarashli Qashqadaryo viloyati hududida joylashgan (oqib o‘tgan) Tanxoz va Qashqadaryo daryolarining foydalanishida bo‘lgan (egallab turgan) va sohil bo‘yi mintaqa maydonidagi yer uchastkalarini doimiy foydalanish huquqi asosida ajratish to‘g‘risida**

O‘zbekiston Respublikasi Yer kodeksining 5-moddasi va Vazirlar Mahkamasining 2021-yil 27-avgustdagi “Yer uchastkalarini davlat va jamoat ehtiyojlari uchun doimiy foydalanishga ajratishning ma’muriy reglamentini tasdiqlash to‘g‘risida”gi 543-sonli qarori va O‘zbekiston Respublikasi Prezidenti Sh.M.Mirziyoyev rahbarligida 2023-yil 21-noyabr kuni kengaytirilgan tarzda o‘tkazilgan videoselektor yig‘ilishining 41-sonli bayoni ijrosiga muvofiq, O‘zbekiston Respublikasi Suv xo‘jaligi vazirligi Amu-Qashqadaryo irrigatsiya tizimlari havza boshqarmasining 2024-yil 26-yanvardagi 01-10/52-sonli xatini inobatga olib, O‘zbekiston Respublikasi “Mahalliy davlat hokimiyati to‘g‘risida”gi Qonunining 6-, 10-, 25-moddalariga asosan

**QAROR QILAMAN:**

1. Qashqadaryo viloyati Qurilish va uy-joy kommunal xo‘jaligi bosh boshqarmasining ijobiy xulosasi, hududiy arxitektura shaharsozlik kengashining kelishuvi va vakolatli tashkilotlarning ijobiy xulosalari hamda kelishuvlari ma’lumot uchun qabul qilinsin.

2. O‘zbekiston Respublikasi Suv xo‘jaligi vazirligi Amu-Qashqadaryo Irrigatsiya tizimlari havza boshqarmasiga qarashli Qashqadaryo viloyati hududida joylashgan (oqib o‘tgan) 2 ta Shahrisabz tumani va Shahrisabz shahar hududidagi Tanxoz daryosi, Shahrisabz, Chiroqchi, Qamashi, Ko‘kdala, Qarshi, Koson, Kasbi, Muborak tumanlari va Qarshi shahar hududidagi Qashqadaryo daryolarining

foydalanishida bo‘lgan (egallab turgan) jami 2913,52 gektar, shundan 986,87 gektar daryo o'zani maydoni, 1926,65 gektar sohil bo‘yi mintaqa maydonlaridan iborat qishloq xo‘jaligida foydalanilmaydigan boshqa yer maydonlari ilovaga muvofiq doimiy foydalanish huquqi asosida ajratilsin.

3. Davlat kadastrlari palatasi viloyat boshqarmasiga (G‘.Hamroyev) O‘zbekiston Respublikasi Suv xo‘jaligi vazirligi Amu-Qashqadaryo irrigatsiya tizimlari havza boshqarmasiga qarashli Tanxoz va Qashqadaryo daryolarining foydalanishida bo‘lgan yer maydonlarini belgilangan tartibda davlat ro‘yxatidan o‘tkazilishini ta’minlab, yer hisobotiga tegishli o‘zgartirishlar kiritish topshirilsin.

4. Kadastr agentligi viloyat boshqarmasi va Amu-Qashqadaryo irrigatsiya tizimlari havza boshqarmasi bilan birgalikda Tanxoz va Qashqadaryo daryolarining foydalanishida bo‘lgan yer maydonlaridan samarali va maqsadli foydalanilishini monitoring qilib borsin.

5. Ajratilgan yer maydonlaridan belgilangan maqsadlarda foydalanilmaganda mazkur qaror O‘zbekiston Respublikasi Yer kodeksining 36-moddasiga ko‘ra bekor qilinishi belgilab qo‘yilsin.

6. Mazkur qaror bir kun muddatda viloyat hokimligining [www.qashqadaryo.uz](http://www.qashqadaryo.uz) rasmiy veb-saytida e‘lon qilinsin.

7. Ushbu qarorning bajarilishini nazorat qilish viloyat hokimining o‘rinbosari M.Azizov zimmasiga yuklansin.

**Viloyat hokimi**



**M.Azimov**

Qashqadaryo viloyat  
hokimining  
2024-yil 1-maydagi  
177-4-0-Q/24-son qaroriga  
1-ilova

**O‘zbekiston Respublikasi Suv xo‘jaligi vazirligi Amu-Qashqadaryo Irrigatsiya tizimlari havza boshqarmasi tasarrufidagi Qashqadaryo viloyati hududida joylashgan (oqib o‘tgan) daryolar yer maydonlarini xatlovdan o‘tkazish natijasi to‘g‘risida  
MA'LUMOT**

T/r	Obyekt nomi	Hudud nomi	Umumiy uzunligi, km	Daryo foydalani-shidagi yer maydoni, (ga)	Shundan	
					Daryo uzani maydoni (ga)	Sohil bo‘yi mintaqa maydoni (ga)
1	2	3	4	5	6	7
1	“Tanxoz” daryosi	Shahrisabz tumani	66,00	527,54	229,82	297,72
		Shahrisabz shahar	3,00	28,51	10,41	18,10
		<b>Jami:</b>	<b>69,00</b>	<b>556,05</b>	<b>240,23</b>	<b>315,82</b>
2	“Qashqadaryo” daryosi	Shahrisabz tuman	10,00	180,58	118,00	62,58
		Chiroqchi tuman	18,00	306,79	132,32	174,47
		Qamashi tuman	36,80	523,47	197,13	326,34
		Ko‘kdala tuman	1,50	21,99	10,05	11,94
		Qarshi tuman	39,00	388,69	120,98	267,71
		Qarshi shahar	2,00	39,80	27,85	11,95
		Koson tuman	35,65	217,91	27,00	190,91
		Kasbi tuman	27,00	346,97	56,21	290,76
		Muborak tuman	34,25	331,27	57,10	274,17
		<b>Jami:</b>	<b>204,20</b>	<b>2357,47</b>	<b>746,64</b>	<b>1610,83</b>
<b>Hammasi:</b>			<b>273,20</b>	<b>2913,52</b>	<b>986,87</b>	<b>1926,65</b>

